

J.P. Međunarodni aerodrom "SARAJEVO" d.o.o. Sarajevo, iz Sarajeva, ul. Kurta Schorka br. 36, Identifikacioni broj obveznika indirektnih poreza kod Uprave za indirektno oporezivanje - PDV: 200068970001, Identifikacioni broj obveznika direktnih poreza kod Kantonalnog poreskog ureda Sarajevo - ID: 4200068970001, Registrovano kod Općinskog suda u Sarajevu sa matičnim registarskim brojem subjekta upisa: 65-01-0419-11, Transakcijski račun kod UniCredit Bank d.d., Mostar, broj: 3386902296481517, koga zastupa Ivan Veličan, direktor (u daljem tekstu: Aerodrom)

i

J.U. Veterinarski fakultet Univerziteta u Sarajevu, sa sjedištem u Sarajevu, ulica Zmaja od Bosne broj 90, Identifikacioni broj obveznika direktnih poreza kod Kantonalnog poreskog ureda Sarajevo koju zastupa prof. dr Nihad Fejzić, dekan (u daljem tekstu: Fakultet)

zaključili su u Sarajevu dana 10.09.2014.god.

UGOVOR O POSLOVNOJ SARADNJI

Član 1.

Predmet ovog Ugovora je regulisanje međusobnih prava i obaveza ugovornih strana u vezi sa pružanjem usluga stručnog usavršavanja zaposlenika Aerodroma, veterinarskih tehničara u veterinarskoj oblasti, od strane Fakulteta, odnosno pružanja usluga praktične nastave za studente Fakulteta od strane Aerodroma.

Član 2.

U skladu sa članom 1. ovog Ugovora, Fakultet se obavezuje da će:

- zaposlenicima Aerodroma, veterinarskim tehničarima (do 2 zaposlenika godišnje), omogućiti stručno usavršavanje-stažiranje iz oblasti – predmeta propisanih Pravilnikom o stručnim ispitima doktora veterinarske medicine i veterinarskih tehničara ("Službene novine Federacije BiH", broj 2/03);
- stručno usavršavanje-stažiranje iz prethodne alineje, iz oblasti za koje je Fakultet registrovan i osposobljen, pružiti u sjedištu Fakulteta, a za oblasti za koje nije registrovan, posredstvom veterinarskih organizacija, ustanova i službi, odnosno privatne veterinarske prakse, sa kojima Fakultet, u okviru svojih redovnih aktivnosti, ima poslovnu saradnju;
- omogućiti stručno usavršavanje-stažiranje zaposlenika Aerodroma, veterinarskih tehničara u trajanju od min. 6 (šest) mjeseci;
- nakon završenog stručnog usavršavanja – stažiranja, zaposlenicima Aerodroma, veterinarskim tehničarima, izdati odgovarajuće uvjerenje o obavljenom stažiranju u svrhu prijave polaganja stručnog ispita kod nadležnog federalnog ministarstva;

Član 3.

U skladu sa članom 1. ovog Ugovora, Aerodrom se obavezuje da će studentima Fakulteta (do 5 studenata godišnje), u okviru Cargo centra Aerodroma Sarajevo, u prethodno usaglašenim vremenskim terminima, omogućiti praktičnu nastavu, kroz upoznavanje sa djelokrugom rada Aerodroma u oblasti prijema, skladištenja i otpreme veterinarskih lijekova, veterinarsko-medicinskih sredstava i humanih lijekova, a posebno vezano za:

1. procedure prijema, izdavanja i sortiranja veterinarskih lijekova, veterinarsko-medicinskih sredstava i humanih lijekova;
2. način sačinjavanja dokumenata u skladu sa važećim uputstvima, procedurama i instrukcijama, te vođenje propisane evidencije prema uputama nadzorne carinarnice i drugih nadležnih institucija;
3. smještaj veterinarskih lijekova, veterinarsko-medicinskih sredstava i humanih lijekova u Carinsko skladište do primopredaje;
4. sačinjavanje zapisnika o nepravilnostima vezanim za pošiljke veterinarskih lijekova, veterinarsko-medicinskih sredstava i humanih lijekova;

Član 4.

Usluge iz čl. 2. i 3. ovog ugovora, koje se strane obavezuju izvršavati, vršiće se bez naknade.

Član 5.

Konkretna pitanja stručnog usavršavanja – stažiranja, odnosno studentske prakse, a koja se odnose na vremenski period stažiranja/obavljanja studentske prakse, podatke o zaposlenicima/studentima i druga tehnička pitanja potrebna za ostvarenje svrhe ovog Ugovora, strane će dogovarati naknadno, putem svojih ovlaštenih predstavnika.

Član 6.

Ovaj Ugovor se zaključuje na period od 2 (dvije) godine i počinje teći od dana zaključenja.

Član 7.

Za sva pitanja koja nisu regulisana ovim Ugovorom primjenjivati će se odredbe Zakona o obligacionim odnosima.

Eventualne nesporazume strane će nastojati rješavati dogovorom, a ukoliko to ne bude moguće, sporove će rješavati stvarno nadležni Sud u Sarajevu.

Član 8.



Ovaj ugovor stupa na snagu danom potpisivanja od strane ovlaštenih predstavnika ugovornih strana, a primjenjuje se od dana zaključenja.

Član 9.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Za AERODROM

 Ivan Velčan, direktor


Za FAKULTET

 prof. dr. Nihad Fejzić, dekan


Broj Ugovora : 02-1-02-4-5981

Datum : 09.09.2014.

Broj Ugovora : 07-04-28-81/14

Datum : 10-09-2014